

## **Terma reference: Objekte te Zhvillimit Ekonomik**

### **1. Kërkesa Projektimi te Pergjithshme**

Per Projektimin e Objekteve Industriale, per magazinimin, shitjen, tregtimin e materialeve bujqesore dhe agroushqimore etj duhet e te meren ne konsiderate te gjithe rregulloret dhe kushtet teknike te ndertimit te kategorive perkatese te objekteve. Eshte e detyrueshme marja ne konsiderate ne varesi te kategorise se objektit I rregulloreve ne fuqi te miratuar nga Bashkia Tirane apo institucionet nderlidhese ose te varesise.

### **2. Kërkesa mbi kondicionet konstruktive dhe funksionale**

Strukturat e objekteve do te jene kryesisht te perbera nga materiale te lehta strukturore (Struktura metalike, alumini, apo materiale kompozite. Nuk perjashtohet dhe perdorimi I strukturave b/a, kjo ne varesi te tipologjise se struktures dhe madhesis apo zgjidhjes arkitektonike te saj. Strukturat, mund te jene te hapura apo te mbyllura ne varesi te funksionit dhe tipologjise.

#### **Rrjeti i ujës-jellësit dhe i kanalizimeve**

Gjatë hartimit të projekt-zbatimit duhet të merret në konsideratë perspektiva 10 vjeçare e rritjes se banoreve ne zonat e zhvillimit, rrjeti ekzistues i kanalizimeve të zonës ku do të ndërtohet apo rikonstruktohet objekti, por gjithashtu konsulenti duhet të marrë në konsideratë projektin e ri të kanalizimeve për këto zona. Gjithashtu duhet te merret ne konsiderate, drejtimi i zhvillimit urbanistik i zonës do të merret në Bashki.

Rrjeti i shkarkimit të ujrave të zeza do të ndërtohet me materiale bashkohore dhe në përputhje me standartet në fuqi.

#### **Sistemi elektrik i ndriçimit, i emergjencës dhe sigurisë**

Konsulenti duhet të parashikojë ndriçimin e ambienteve me ndriçues me fuqi të mjaftueshme për të garantuar një ndriçim në përputhje me normat në fuqi.

Projektuesi duhet të sigurojë miratimin e projekteve elektrike në OSHEE , si dhe të përcaktojë edhe pikën e lidhjes me energji elektrike, nga rrjeti i fuqisë (kabina ose transformatori i zonës). Projektuesi duhet të parashikojë vendosjen e matësit elektrik trefazor, lidhjen e kontratës me Zonën e Shpërndarjes Elektrike Tiranë, si dhe vlerën e përafërt të shtrimit të kabllit nga sahati deri te pika e lidhjes së miratuar, \Projekti elektrik të jetë i shoqëruar me liçensën e noteruar të inxhinierit elektrik, e cila do të shërbejë për procedurat e mëtejshme për miratimin e pikes së lidhjes me OSHEE.

#### **Sistemi i mbrojtjes atmosferike**

Godinat duhet patjetër të ketë sistemin e mbrojtjes atmosferike pasi Shqipëria gjëndet në një zonë me shkarkime atmosferike te shumta.

Sistemi i mbrojtjes atmosferike duhet të bëhet duke u bazuar në kushtet teknike të përcaktuara dhe në specifikimet e materialeve të ndërtimit.

#### **Sistemi i mbrojtjes nga zjarri (MNZ)**

Konsulenti duhet të paraqesë dhe projektin e mbrojtjes nga zjarri si dhe rregullat e sigurimit teknik për MNZ sipas normave dhe standarteve europiane.

### ***Sistemi i lajmërimit për zjarrin***

Në objekte të shikohet mundësia e një kabinë telefonike që të mund të përdoret në çdo moment. Numrat e telefonit të zjarrfikësit duhet të jenë të afishuar dukshëm në këtë kabinë. Ndërtesat e mbyllura duhet të ketë gjithashtu sistemin e brendshëm të alarmit, nëpërmjet të cilit në rast rreziku të bëhet largimi nga ndërtesa. Sinjali i alarmit duhet të transmetohet në të gjitha ambientet e brendshme dhe të jetë i qartë e i kuptueshëm nga të gjithë. Sistemi i alarmit duhet të futet në punë pavarësisht nga furnizimi me energji elektrike i objektit.

### ***Sinjalizuesit e tymit***

Këto do të veprojnë në mënyrë që të mbajnë ekuilibrin ndërmjet dhomës së hapur dhe të mbyllur, kështu kur tymi depërton në dhomën e hapur ai do të ketë kontakt me qarkun dhe do të aktivizojë sinjalin. Të gjithë sinjalizuesit e tymit, të jenë instaluar të tilla që të mund të ndërrohen me zëvendësues.

### ***Bombulat fikëse të zjarrit***

Bombulat fikëse (me shkumë ose pluhur) duhet të vendosen në koridore dhe në ambientin teknik.

### **Kalimet e emergjencës, shkallët, koridoret**

Numri dhe gjerësia e kalimeve të emergjencës duhet të sigurojnë largimin sa më të shpejtë dhe shfrytëzimi i tyre të nxjerrë në vend të sigurt jashtë ndërtesës me një rrugë të shkurtër, të shpejtë dhe pa rrezik.

Për përcaktimin e gjerësisë dhe gjatësisë së rrugëve të emergjencës, faktori kryesor është kohëzgjatja e largimit të personave nga objekti. Koha maksimale e largimit nga objekti në sekonda për çdo dhomë, mbas dhënies së sinjalit të alarmit duhet të jepet e llogaritur nga projektuesi.

### **Sistemi ngrohës dhe i ventilimit**

Projektuesi duhet të parashikojë ndërtimin e plotë të sistemit ngrohës argumentuar nga ana tekniko-ekonomike zgjedhjen e mënyrës së ngrohjes por njëkohësisht projekti të sigurojë ventilimin e ambienteve. Per ambientet e hapura ky system nuk eshte I nevojshem. Per ambientet e mbyllura duhet ti kushtohet rendesi kryesisht zonave te ruajtjes se produktve te ndryshme apo zyrave te administrates apo cfaredolloj funksioni tjeter.

### **Efienca e Energjise**

**Projekti per auditimin e eficiences se energjise, sipas ligjit ne fuqi ne Republiken e Shqiperise.**

### **3. Llogaritjet, specifikimet teknike dhe preventivi**

Kosto totale do të përcaktohet nga preventivi përfundimtar i objektit, që do të përgatitet bazuar në projektin e zbatimit, specifikimeve teknike, relacionin, si dhe duke marrë parasysh dhe kërkesat e veçanta të Bashkisë në lidhje me standardet e pranuar.

Në hartimin e preventivit çmimet e referencës do të jenë sipas legjislacionit në fuqi, mbështetur në **Vendimin nr. 216 date 13.04.2023 per Krijimin dhe funksionimin e sistemit te integruar per informatizimin e manualit te cmimeve per zerat e punimve ne ndertim**. Për zërat e punimeve që nuk gjenden në manual, projektuesi duhet të hartojë analiza përkatëse, të cilat do t'i bashkëlidhen të detajuara projekt zbatimit, kjo për të siguruar kursimin dhe eficientë e përdorimit të fondeve. Per elemente/pajisje/materiale te cilat nuk jane pjese e strukturave te kostove te manualit dhe nuk ka cmime reference ne manual duhet te sigurohen te pakten 3 oferta per percaktimin e cmimit sipas kushteve te tregut.

Preventivi do të paraqitet sipas Formatit/ Modelit të rekomanduar nga Bashkia.

### **4. Fazat e realizimit të projektit**

Projekti për objektet duke iu referuar **VKM Nr. 354, datë 11.5.2016 “Për Miratimin e manualit të tarifave për shërbime në Planifikim Territori, Projektim, Mbikëqyrje Dhe Kolaudim”**, duhet të kalojë në këto faza

#### **FAZA A:**

**Ne rast te rikonstruksionit te objekteve ekzistuese do të bëhet akt-ekspertiza e thelluar bazuar në Ligjin Nr.3/2020 “PËR DISA NDRYSHIME DHE SHITESA NË LIGJIN NR. 8402, DATË 10.9.1998, “PËR KONTROLLIN DHE DISIPLINIMIN E PUNIMEVE TE NDERTIMIT” TE NDRYSHUAR .**

**Ajo do te permbaje te gjithe vleresimet dhe studimet teknike strukturore dhe jo vetem, dhe do te percaktoje shkallen e nevojtes se nderhyrjes ne projektim dhe te gjithe detajet e nevojshme teknike dhe ekonomike per nderhyrje me qellim vleresimi te metejshme.**

Akt-ekspertiza e thelluar i vihet në dispozicion Institutit të Ndërtimit për kryerjen e oponencës. Instituti i Ndërtimit jep opinionin e tij, i cili mbizotërton mbi akt-ekspertizën e thelluar dhe zbatohet nga njësitë e vetëqeverisjes vendore ose autoritetet përgjegjëse.

#### **FAZA B:**

##### **FAZA I Analiza e detyrës së projektimit**

Analiza e detyrës së projektimit dhe termave të referencës do të përmbajë materialet e nevojshme grafike dhe vrojtuese të situatës, të paraqitura sipas termave të referencës specifike për secilin objekt.

##### **FAZA II Projekt ide paraprake (Përgatitja e projektit dhe planifikimit)**

Projekt ideja paraprake do të përmbajë pjesë të rëndësishme të zgjidhjeve të detyrës së planifikimit në jo më pak se dy variante, përmbajtja e të cilave do të ketë analiza relacione, paraqitje grafike teknike, preventiv paraprak etj.

Varianti me treguesit më social - ekonomik dhe teknik, që do të përzgjidhet nga Këshilli Teknik, do të vazhdojë procedurën e hartimit të projekt-idesë përfundimtare.

### **FAZA III Projekt ide përfundimtare (planifikimi i sistemimit dhe i integritit)**

#### **Përpunimi i zgjidhjes përfundimtare të detyrës së planifikimit.**

Ne kete faze konsulenti do te pergatise projekt – idene perfundimtare te nderhyrjeve, materiale e se ciles duhet te permbajne Preventivat finale sipas formatit të miratuar nga Bashkia Tiranë, referuar VKM nr. 629, datë 15.07.2015 “Për miratimin e manualeve teknike të çmimeve të punimeve të ndërtimit dhe të analizave teknike të tyre”, analizat teknike te cmimeve, studimet dhe paraqitjet grafike te detajuara sipas zerave te punes.

#### **FAZA IV: Projekti për miratimin e lejes së ndërtimit: Përpunimi dhe dorëzimi i dokumentave për procedurat e nevojshme juridike e ligjore.**

Projektuesi gjithashtu duhet të parashikojë dhe projektin për miratimin e lejes së ndërtimit, si i cili duhet të mbështetet në **ligjin Nr. 107/2014 “Për Planifikimin dhe Zhvillimin e Territorit”**. Eshtë përgjegjësi e projektuesit aplikimi për leje ndërtimi nëpërmjet sistemit të aplikimit të lejeve on-line. Projektuesi gjithashtu duhet te qendroje I azhornuar ne lidhje me ndryshimet e mundshme ligjore gjate kohes se realizimit te objektit te cilat mund te sjellin pasoja ne menyren e zhvillimit te procedurave te aplikimit e jo vetem.

#### **FAZA V: Projekti zbatim: Përpunimi dhe paraqitja e planit të zgjidhjes së gatshme për zbatim**

Mbas fazes se projekt idese perfundimtare konsuleti do te paraqes projekt zbatimit me te gjitha te dhenat e integruara e te miratuara te projektit, detaje, raporte preventive dhe te gjitha analizat perkatese. Mbas kesaj faze projekti duhe te jete I plote per zbatim.

#### **FAZA VI: Hartimi i preventivit përfundimtar**

Për hartimin e preventivit projektuesi duhet të mbështetet në **Vendimin nr. 216 date 13.04.2023 per Krijimin dhe funksionimin e sistemit te integruar per informatizimin e manualit te cmimeve per zerat e punimve ne ndertim.**

Për secilin zë punimi, i cili nuk është i përfshirë në këtë manual, projektuesi duhet të dorëzojë analizat/ofertat përkatëse të çmimeve.

Në hartimin e preventivit, veç të tjerave do të mbahen parasysh sa më lart, lidhur me organizmin e zbatimit me faza, çmimet e referencës sipas akteve ligjore në fuqi, dhe llogaritja e preventivit do të bëhet sipas normave dhe akteve ligjore në fuqi për të siguruar kursimin dhe eficientë e përdorimit të fondeve.

Preventivi do të hartohet sipas formatit/modelit standart të rekomanduar nga Bashkia Tiranë.

Të gjitha fletët e vizatimeve teknike duhet të jenë të detajuara me elementët përkatës, si dhe legjendat përkatëse.

Per te gjithë termat e mesiperme konsulenti duhet detyrimisht ti referohet normave te projektimit Shqiptare dhe te EU, apo praktikave me te mira bashkekohore per kategorite perkatese te objekteve.

### ***Standarde në Projektim***

Projekti do të hartohet në përputhje me të gjitha normat dhe standardet për projektim që parashikon legjislacioni në fuqi. Projektimi duhet të sigurojë respektimin e standardeve, madje edhe atyre gjatë zbatimit. Është përgjegjësi e Projektuesit saktësia dhe respektimi i të gjitha standardeve dhe normave përkatëse. Projektuesi mund të rekomandojë edhe prezantimin e standardeve të reja, për përafrimin me normat e BE-se, si dhe të praktikave më të mira ndërkombëtare në projektim dhe zbatim. Rekomandimet duhet të përmbajnë elemente të fizibilitetit dhe realizueshmërisë me praktikën shqiptare dhe limitimet për financimin e veprës. Në hartimin e projektit të mbahen parasysh të gjitha normat e miratuar për personat me aftësi të kufizuar, të verbrit, etj. Në projekt të parashikohet infrastruktura e nevojshme për këtë kategori.

Detajet teknike të infrastrukturës për këtë kategori, të jepen nga Projektuesi në Fletë të veçanta të Projektit.

### **Standarde në paraqitjen e dokumentacionit teknik**

Në hartimin dhe paraqitjen e dokumentacionit të projektit, projektuesi të përdorë programet e kërkuara kompjuterike, si dhe të nxitet përdorimi i programeve të reja, më të avancuara të fushës.